

800
medio mense
Iunio.

Vos vero, dilectissimi fratres, sedula devotione perlegite hec omnia, priusquam in publicas procedere aures harum series litterarum faciatis. Ego siquidem in praecinctu^a ob vestri itineris festinationem haec qualiacumque sunt dictavi, ita ut mihi tempus relegendi vel emendandi non fuit idoneum^b, vestrae caritatis contentus tantummodo lectione atque emendatione. Si dignum vestre considerationi videatur, fraterno ostendite conventui^{b*}; sin autem, sub gremio piissime caritatis vestrae abscondite, donec communi consilio tractemus, quid de hoc agendum sit opere. Tamen^c firmiter absque ulla dubitatione sanctorum sequimini vestigia patrum; et catholicam fidem, quam multis roboratam testimoniis aspiciatis^d, tenete et praedicate; nec tantum considerantes inperite lingue in me tarditatem, quantum in testimoniis patrum catholicae fidei veritatem. Sed et hoc considerate, an has vobis utile videatur litterulas Spaniae^e fratribus dirigere, si forte opportunus occurret^f vobis portitor.

Illud quoque vobis honerosum non videatur, antequam de civitate eatis, ut iubeatis ligare et involvere et in modum unius corporis componere has^g quaterniones; ne forte sparsi rapte^h dispergantur per manus legentium vel forsitan invidentium nomini meo. Sed quasi unum codicem habete hec omnia pariter composita; et si quolibetⁱ dirigere vultis, scribatur et mittatur. Hec vero pars vobiscum maneat, donec volente Deo reversuri sitis ad nos. Etiam^k litterae pro me fraternis loqui possunt auribus; si eas ostendere vel in publicum procedere vestre placeat prudentiae.

Quicquid in eis veritatis adstipulatione^l roboratum invenietis, Dei donum est; si quid secus, quod absit, inspicitis, ignorantis animae^m cognoscite errorem. In illis totius bonitatis laudate largitorem; in istis fraterno pumice¹ corrigite scriptorem. Pacienter enim pia caritas columbinum sufferreⁿ debet oculum^o, sicut prudenter serpentium^p evitare dentem necesse est². Quaerenda^q est ubique omni instantia conservorum salus nostrorum, sive in praedicatione praesentium sive in litterarum exortatione absentium, ut nemini desit ad nos pertinentium nostrae devocionis affectus in desiderio perpetuae prosperitatis et salutis*.

^a) procinctu *Pa*, *Q*. ^b) archanum *P*. ^{b*)} conventu *Q*. ^c) Tam *P*. ^d) aspicietis *P*.
^e) Hispanie *Pa*, *Q*. ^f) occurrat *Pa*, *Q*. ^g) as *P*; hos *Pa*. ^h) sparsim (*Q*) rapti *Pa*. ⁱ) colibet *P*.
^k) he etiam *Pa*. ^l) abstipulatione *P*. ^m) anima *P*; animi *Pa*, *Q*. ⁿ) subferre *Pa*, *Q*. ^o) oculum *P*.
^p) serpentinum *Pa*. ^q) quaerendum *P*.

*) In codicibus *P* fol. 94' (*P** fol. 56) secuntur haec: Epistola eiusdem in fine librorum III (Ep. — III om. *Q*). Mirabile testimonium sancti Agustini in psalmo LIII³. Dum lectus mihi fuit ad mensam tractatus ille, subito venerunt in aures hec verba 3: 'Si in mente tibi non venit Christus, dormit, excita Christum, recale fidem. Tunc in te dormit Christus, si verum illum filium Dei abnegas esse, si oblitus es passionis illius. Tunc in te vigilat Christus, si meministi passionem Christi'.

In presenti disputatione si eveniat causa cum quolibet (quolibet *P*) verba serere de adoptione et proprietate, quam dicunt in Christo esse, interrogandum est, quae sit persona filii Dei in aeterna nativitate? An sit unigenitus in illa persona verus et proprius filius Dei? Si inquisitor respondit: 'Certissime unigenitus est in illa persona, verus et proprius filius Dei', statim habes respondere et captare eum ex suis verbis: 'Si unigenitus est in ea persona, quam aeternaliter habuit, utique in illam personam adsumpsit humanitatem veram, ut esset unus unigenitus, proprius et verus filius Dei, et nullum locum habet adoptio in illa persona. Nos sumus in persona adoptionis, ille est sicut fuit: ante adsumptionem humanitatis totus in persona proprietatis. Si (Sed *P*, *P**) adoptivus est in humanitate, et unigenitus in divinitate, absque omni dubio duas habet personas, nostram scilicet, qui sumus adoptivi filii Dei, et suam, quam aeternaliter habuit'.

Item interrogandum est, si beatissima virgo genetrix Dei vere dicatur? Vel si proprius sit filius eiusdem virginis Christus in divina et humana natura? Si respondit inquisitor: 'Est (esse *P*)

1) Cf. supra p. 39 n. 4; 175 lin. 22. 2) Cf. infra p. 335 n. 2. 3) Enarrat. in psalm. LIV c. 10 (Opp. t. IV, 507).